

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Breviarium hominis christiani - Cod. Ettenheim-Münster 79

[S.l.], [18. Jahrh.]

Caput XII.

[urn:nbn:de:bsz:31-108661](https://nbn-resolving.org/urn:nbn:de:bsz:31-108661)

Offero tibi atrocissimos illos dolores, quos passus es, quando sanctissimi tui corporis vulnera vestimentorum detractioe innovabantur; quando manus, et pedes tui cruci cum summo dolore affigebantur.

Offero tibi incomprehensibiles illos cruciatus, quos pertulisti, quando tormentis totus expositus miserabiliter in cruce pendebas, medius inter latrones, et quando vehementissima siti aestuans acetum potabaris, et a Judaeis subsannabaris.

Offero illas angustias dulcissimi cordis tui, quas passus es, dum clamore valido dixisti; Deus Deus meus ut quid dereliquisti me, et inclinatum capite emisisti spiritum.

Hac offero tibi o benignissime Jesu tuamque immensam pietatem deprecor, ut horum omnium meritis veniam omnium iniquitatum, ac negligentiarum mearum mihi indulgere digneris. Eia suavissime Jesu totam vitam meam nimis indignam, ac peccaminosam purissimam sindone passionis tuae involve, meque meritis tuis exorna, et exornatum tibi inseparabiliter coniunge, ut te in aeternum frui merear.

Caput XII.

Aspirationes infirmi ante et post sumptionem s. Viatici.

Ante sumptionem.

Unde hoc, ut veniat ad me, Rex regum et Dominus dominantium, coram quo

Angeli non sunt puri.

O mi Jesu non sum dignus, ut intres sub-
jectum meum; Sed quia tu nunc dignaris ve-
nire ad me benedic obsecro anima mea, et trans-
forma me totum in te: miserere mei Do-
mine et exaudi me, meq[ue] tibi ita coniunge, ut
nunquam separer à te.

Totus enim tuus sum et esse volo.

O Amor dulcis, et dulcedo amoris Jesu accen-
de in me ignem amoris tui, et vulnera me,
ut totus transeam in te Deus cordis mei, et
pars mea Deus in aeternum.

Veni o dilecte mi! veni in animam meam.
Ecce paratum tibi cor meum, Deus meus,
et omnia.

Veni igitur misericordissime et suavissime
Jesu: veni unica spes mea, ac omne bonum
meum.

Nam te esurit cor meum, te esuriunt, et
concupiscunt omnia intima mea, sicut e-
nim desiderat cervus ad fontes aquarum,
ita ^{et} desiderat anima mea ad te Deus.
Ingredere o Deus cordis mei, ingredere in
pauperem domum meam cum omnibus
meritis et virtutibus tuis. Tu qui pro me
es crucifixus et mortuus, ingredere et sanc-
tifica me ad laudem et gloriam nominis
tui in aeternum.

Aspirationes post sumptam
tam s. Eucharistiam

Anima Christi sanctifica me,
 Corpus Christi salva me,
 Sanguis Christi inebria me,
 Aqua lateris Christi lava me,
 Passio Christi conforta me,
 O bone Jesu exaudi me,
 Intra tua vulnera absconde me,
 Et ne permittas me separari à te,
 Ab hoste maligno defende me.
 In hora mortis meae voca me,
 Et iube me venire ad te:
 Ut cum sanctis tuis laudem te,
 In saecula saeculorum, Amen.

Suspiria S. Francisci Xaverii

~~indiarum Apostoli.~~

O Deus! ego amo te,
 Nec amo te ut salves me,
 Aut quia non amantes te
 Aeternò punis igne.
 Tu tu mi Jesu totum me
 Amplexus es in cruce
 Tulisti clavos, lanceam,
 Multamq; ignominiam,
 Innumeros dolores,
 Sudores et angores,
 Ac mortem, et haec propter me,
 Ac pro me peccatore!
 Cur igitur non amem te?
 O Jesu amantissime?
 Non ut in caelo salves me,

Aut ne aeternum damnes me.
 Nec præmii ullius spe,
 sed sicut tu amasti me,
 sic amo et amabo te,
 solum quia Rex meus es.
 Et solum quia Deus es.
 Alia aspirationes.

Benedico, et laudo te dulcissime Jesu Chris-
 te, qui in dulcedine tua pauperem meam ani-
 mam visitare, et refocillare dignatus es.
 Nunc dimittis servum tuum Domine, secundum
 verbum tuum in pace.

Iam te tenes, dulcis amor, iam ultra non di-
 mittam te, iam mundo et omnibus, quæ mundi
 sunt, lubens vale facio, iam gaudens ad te venio
 Deus meus.

Nihilamodo, nihil, o bone Jesu me separabit
 à te; tibi enim Christe ^{Jesu} coniunctus sum, in-
 te vivam, in te moriar, et in te uti spero, in
 aeternum permanebo. Vivo iam non ego, vivit
 vero in me Christus.

Tædet nunc animam meam vitæ meæ; cupio
 dissolvi et esse cum Christo: mihi enim vivere
 Christus ^{est} et mori lucrum.

Iam non timebo mala ambulans in regione
 umbræ mortis, quoniam tu mecum es Do-
 mine, et sicut desiderat cervus ad fontes
 aquarum, ita desiderat anima mea ad te
 Deus: sitivit anima mea ad Deum fontem
 vivum, quando veniam, et apparebo ante
 faciem Dei mei?

Benedic mihi Jesu amantissime, et nunc
 in pace dimitte me, quoniam tuus sum ego;
 O si felici tibi copula nunc socius in aeter-
 num, o si totus in te immergi, totus absor-
 beri, et sepeliri in te merear, o si anima mea
 inter amplexus tuos requiescens tota in te
 absorbeat, et felicissime te Deo amatore
 tuo fruatur. Quid mihi iam ultra cum
 mundo, mi amantissime Jesu: ecce nec in
 caelis quidquam praeter te volui. In manus Do-
 mine Jesu, commendo spiritum meum.
 Recipe me dulcis amor, ut in aeternum mihi
 bene sit in te, et in pace suaviter in te odor-
 miam, et requiescam.

Oratio ad Nomen
 Jesu.

O bone Jesu, o piissime Jesu, o Dulcissime
 Jesu, o Jesu fili Dei et Mariae Virginis, ple-
 ne misericordia et pietate. O dulcis Jesu se-
 cundum magnam misericordiam tuam mi-
 serere mei.

O clementissime Jesu per pretiosum illum
 sanguinem, quem pro peccatoribus effudisti, de-
 precor te, ut abluas omnes iniquitates meas,
 et in me miserum, et indignum, humiliter
 veniam petentem, et hoc sanctam Nomen
 Jesu invocantem respicias.

O Nomen Jesu, ~~Nomen~~ Nomen delectabile
 Nomen Jesu, Nomen amabile. Quid est enim
 Jesus nisi salvator? ergo Jesu propter No-

u Chris
 n ani
 icandi
 on di
 undi
 venio
 abit
 in
 ro, in
 o, viri
 cupio
 vivu
 regim
 es Do
 ntes
 le
 forte
 ante

a

p

men sanctum tuum esto mihi Iesus et
salva me. Ne permittas me damnari, quem
pretiosò sanguine tuo redemisti.

O bone Iesu, ne perdat me iniquitas mea, quæ
fecit omnipotens bonitas tua.

O benignissime Iesu miserere mei, dum tem-
pus est miserendi, ne damnes me, dum tem-
pus est iudicandi.

O piissime Iesu, si me damnare velit tua se-
vera iustitia, appello, et confugio ad tuam piis-
simam misericordiam.

O Amantissime Iesu, o desideratissime Iesu,
o mitissime Iesu, o Iesu, Iesu, Iesu suscipe me
in numerum electorum tuorum.

O Iesu salus in te credentium, o Iesu fiducia
ad te confugientium, o Iesu dulcedo te aman-
tium, fac ut in te moriar, ac feliciter ad te
perveniam.

Renovatio Votorum à Religiosis pro plena peccatorum remissione obtinenda.

Gratias tibi ago Domine Iesu Christe, pro
gratia illa singulari, quæ me vilissimum
peccatorem de hoc seculo nequam eduxisti,
et in hoc religiosissimo ordine ad solemnem
professionem admisisti. Doleo ex toto corde,
quòd hactenus gratiæ huic non satis re-
sponderim, et tanto beneficio fuerim in-
gratus. Peleo omnes negligentias in
hoc statu commissas, et quòd tam parum

ad eius perfectionem aspiraverim. Ignosce mihi Deus venia largitor, et humana salutis amator, ignosce et remitte mihi delicta mea priusquam abeam, et amplius non ero. Quod si me votis necdum tuae Maiestati obstrinxissem, nunc sane id facerem; ideoque quanta devotione possum, illa nunc renovo, et novo fervore tibi promitto pauperitatem, castitatem, et obedientiam secundum Regulam sancti N. suscipe o benignissime Deus, quibus me ⁷ haec vota mea, totum offero tibi, et consecro in perpetuum.

Caput XIII.

Excitatur moribundus ad patriam caelestem desiderandam.

O caelestis Jerusalem! o patria dulcis et amabilis! patria claritatis immensa, quam ipse Deus Lux vera, lux increata illuminat, in qua etiam tot sunt veluti soles quot sunt Angeli et electae animae.

In te est pax et requies omnem sensum exuperans: in te est dies sempiternus, et unus omnium spiritus.

In te est certa securitas, aeterna tranquillitas, et felix suavitas, et suavis iacunditas.

In te est bonum illud, quod oculus non vidit, quod auris non audivit, quod cor humanum comprehendere nequit; enimvero, si totum calum esset pergamenum et totum mare atramentum, omnesque creaturae forent scriptores, nec tamen exprimere possent